

ବ୍ରଜାଙ୍ଗନା କାବ୍ୟ

[୧୮୭୫ ଶ୍ରୀରାଧେ ପୁସ୍ତିକ ବିକ୍ରୀର ସଂସ୍କରଣ ହିସାବେ]

ব্রজাঙ্গনা কাব্য

মাইকেল মধুসূদন দত্ত

[১৮৬১ খ্রীষ্টাব্দে প্রথম প্রকাশিত]

সম্পাদক :

শ্রীব্রজেন্দ্রনাথ বন্দ্যোপাধ্যায়

শ্রীসজনীকান্ত দাস



বঙ্গীয়-সাহিত্য-পরিষৎ

২৪৩১, আপার সারকুলার রোড

কলিকাতা

প্রকাশক
শ্রীরামকমল সিংহ
বঙ্গীয়-সাহিত্য-পরিষৎ

প্রথম মুদ্রণ—অগ্রহায়ণ, ১৩৪৭
দ্বিতীয় মুদ্রণ—ভাদ্র, ১৩৫০
তৃতীয় মুদ্রণ—বৈশাখ, ১৩৫৩
মূল্য বার আনা

মুদ্রাকর—শ্রীগৌরচন্দ্র পাল
নিউ মধ্যমায়া প্রেস, ৬৫।৭ কলেজ স্ট্রীট, কলিকাতা
১১'০—২৩।৪।৪৬

ভূমিকা

কবি মধুসূদন বাংলা কাব্য-সাহিত্যে বহুবিধ নূতন পদ্ধতির প্রবর্তক, 'ব্রজাঙ্গনা কাব্যে'র রচনা-রীতিও বাংলা দেশে সম্পূর্ণ নূতন; এগুলি সুরে গেয় মহাজন-পদাবলীও নয়, আবার পালায় বিভক্ত কবি বা পাঁচালি-গানও নয়। মধুসূদন স্বয়ং এগুলিকে (Ode আখ্যা) দিয়াছেন। অমিত্রাক্ষর ছন্দ ও চতুর্দশপদী কবিতার মত মধুসূদন বাংলায় এই শ্রেণীর গীতিকবিতারও জন্মদাতা। তাঁহার সৃষ্টি-প্রতিভার অবিসম্বাদিত প্রাধান্য এই সকল নূতন রীতির উপর স্থাপিত।

বহু মহাজন রাধা ও কৃষ্ণের প্রেম-বিরহ লইয়া কাব্য রচনা করিয়াছেন; বাংলা-সাহিত্যের আদিমতম যুগ হইতে আজ পর্য্যন্ত কাব্যকারগণ এই লোভনীয় বিষয়ের মায়া ত্যাগ করিতে পারেন নাই। প্রেমিক কবি মধুসূদনও রাধাকৃষ্ণকে কেন্দ্র করিয়া কাব্য-রচনার সুযোগ পরিত্যাগ করেন নাই। তিনি বিচিত্র ছন্দে রাধা-বিরহের গান গাহিয়াছেন। অনেকে ইহার মধ্যে প্রাচীন পদ্ধতির সহিত গরমিল অথবা ইউরোপীয় ভাবের ছায়া দেখিয়াছেন, কিন্তু আসলে এই কাব্যের পংক্তিতে পংক্তিতে যে একটি ভাবোন্নত বাঙালী কবি-চিন্তের সংস্পর্শ আছে, তাহাও অস্বীকার করিবার উপায় নাই। স্বর্বাঙ্গের বিষয়, মধুসূদন যখন সজ-আবিষ্কৃত অমিত্রাক্ষর ছন্দের পরীক্ষা করিতেছিলেন, তখনই এই সঙ্গীত-মুখর মিল-বহুল কাব্যটি রচিত হইয়াছে। কাব্য বা বিষয়ের বৈচিত্র্য-বিচার আমাদের এই ভূমিকার উদ্দেশ্য নয়। তাঁহার জীবনী ও পত্রাবলী হইতে এই পুস্তক-রচনার কাহিনী যেটুকু পাওয়া যায়, সেইটুকুই এখানে লিপিবদ্ধ হইল।

অমিত্র ছন্দে 'তিলোত্তমাসম্ভব কাব্য' রচনার সময়ে মধুসূদন সম্ভবতঃ মুখ বদলাইবার জন্যই 'ব্রজাঙ্গনা কাব্য' রচনায় হস্তক্ষেপ করেন। তিনি এই কালে নিধু গুপ্ত, রাম বসু, হরু ঠাকুর প্রভৃতির গীতি-কাব্য ও জয়দেব-বিষ্ণুপতির পদাবলী বিশেষভাবে আলোচনা করিতেছিলেন। ১৮৬০

শ্রীষ্টাঙ্কের ২৪ এপ্রিল তারিখে রাজনারায়ণ বসুকে লিখিত একটি পত্রে আছে :—

I enclose the opening invocation of my "মেঘনাদ"—you must tell me what you think of it. A friend here, a good judge of poetry, has pronounced it magnificent. By the bye, I have a small volume of odes in the press. They are all about poor old Radha and her বিরহ। You shall have a copy as soon as the book is out of the press.

[আমার "মেঘনাদ"র প্রস্তাবনা অংশ পাঠাইতেছি—তোমার কেমন লাগে অবশ্য জানাইবে। ঋষিতা সম্বন্ধে ভাল বিচারবুদ্ধিসম্পন্ন এখানকার একজন বন্ধু ইহার উচ্চ প্রশংসা করিয়াছেন। ভাল কথা, গীতি-কবিতার একটি ছোট পুস্তিকা ছাপিতে দিয়াছি; আমাদের চিরপুরাতন রাধা ঠাকুরাণী ও ঠাহার বিরহ লইয়া ইহা লিখিত। বইটি ছাপাখানার কবল হইতে মুক্ত হইলেই তোমাকে এক খণ্ড পাঠাইব।]

ঐ বৎসরের জুলাই [?] মাসে রাজনারায়ণকে লিখিত আর একটি পত্রে মধুসূদন বলিতেছেন :—

By the bye রাধার বিরহ is in the press. Somehow or other, I feel backward to publish it. What have I to do with Rhyme ?

[আর এক কথা, রাধার বিরহ ছাপা হইতেছে। কেন জানি না, বইটি প্রকাশ করিতে আমার সঙ্কোচ হইতেছে। মিত্রহৃদয়ের ব্যাপারে আমি কেন থাকি ?]

ইহা হইতে স্পষ্ট বুঝা যায় যে, 'ব্রজাঙ্গনা কাব্য' মধুসূদন অন্তরের আবেগেই লিখিয়াছিলেন। নূর্তন পরীক্ষার জন্ম নয়। লিখিয়া ঠাহার লজ্জাবোধ হইয়াছিল। এই ক্ষুদ্র কাব্যটি সম্বন্ধে ঠাহার বিশেষ মমতা যে ছিল, এরূপও মনে হয় না; যদিও ইহার কিছু দিন পরেই তিনি রাজনারায়ণকে লিখিয়াছিলেন—

Have you received a copy the Odes (Brajangana) ? Pray, why then are you silent ? Some fellows here pretend to be enchanted with them.

[গীতিকবিতাগুলির (ব্রজাঙ্গনার) এক খণ্ড তোমার হাতে পৌঁছিয়াছে কি ? দোহাট তোমার, পাইয়া থাকিলে সে সম্বন্ধে নীরব থাকিও না। এখানকার কেহ কেহ উহা পড়িয়া মোহিত হইয়া গিয়াছে, এরূপ ভাব দেখাইতেছে।]

ইহাতে আগ্রহের অপেক্ষা কৌতুক বেশী। ১৮৬১ খ্রীষ্টাব্দের ২৯ আগষ্ট তারিখের একটি পত্রে (রাজনারায়ণকে লিখিত) এই মনোভাব স্পষ্টতর হইয়া উঠিয়াছে :—

I think you are rather cold towards the poor lady of Braja. Poor man! When you sit down to read poetry, leave aside all religious bias. Besides, Mrs. Radha is not such a bad woman after all. If she had a "Bard" like your humble servant from the beginning, she would have been a very different character. It is the vile imagination of poetasters that has painted her in such colours.

[মনে হইতেছে, ব্রজের অঙ্গনা বেচারাকে ভূমি উপেক্ষাই করিয়াছ। হায় হতভাগ্য ! কবিতা-পাঠের সময় ধর্মের সংস্কার শিকায় ভুলিয়া রাখিতে হয়। তা ছাড়া, শ্রীমতী রাধা মোটের উপর তেমন মন্দ লোক নন। যদি পূর্বে হইতে এই অধীনের মত একজন চারণ তাঁহার জুটিত, তাহা হইলে তাঁহার চরিত্র ভিন্নরূপ দেখিতে পাইতে। তথাকথিত কবিদের দুষ্ট কল্পনাই তাঁহাকে এরূপ রঙে চিত্রিত করিয়াছে।]

এই পত্র হইতেই বুঝা যায়, মধুসূদন ব্রজাঙ্গনা বলিতে রাধাকেই বুঝিয়াছেন। 'ব্রজাঙ্গনা কাব্য' রাধা-বিরহের কাব্য।

ব্রজাঙ্গনার প্রকাশ সম্বন্ধে মধুসূদনের চিঠিতে নিম্নলিখিত মন্তব্যটুকু মাত্র পাওয়া যায়। এই পত্রটিও রাজনারায়ণ বসুকে লিখিত।

The "Odes" are out, and I have requested Baboo Baikantannath Dutta (a co-religionist of yours) who is the proprietor of the copy-right, to send you a copy.

[গীতিকবিতাগুলি প্রকাশিত হইয়াছে। এই পুস্তকের স্বাধিকারী বাবু বৈকুণ্ঠনাথ দত্তকে (তোমার সমধর্মী) ইহার একখণ্ড তোমার কাছে পাঠাইবার জন্ত অনুরোধ করিয়াছি।]

এই বৈকুণ্ঠনাথ দত্ত সম্বন্ধে সামান্য খবর 'জ্যোতিরিন্দ্রনাথের জীবনস্মৃতি'তে আছে। তিনি বলিতেছেন :—

মাইকেল মধুসূদন দত্ত মহাশয় কিরূপ সঙ্গদর ব্যক্তি ছিলেন, তাহার একটা ঘটনা বলিতেছি। বৈকুণ্ঠনাথ দত্ত নামে আমাদের একজন পরিচিত এবং অসুগত লোক ছিলেন। তিনি সর্বদাই তাঁর টাকে হাত বুলাইতেন এবং ব্যবসা সঞ্চায়ী নানাবিধ মতলব আঁটিতেন। কিন্তু কোন ব্যবসায়েরই তিনি লাভবান হইতে পারেন নাই। যে কারোই তিনি হস্তক্ষেপ করিয়াছেন, তাহাতেই ক্ষতিগ্রস্ত হইয়াছেন। কিন্তু এ দিকে গান একজন প্রকৃত কাব্যরসিক ও সঙ্গীত ব্যক্তি ছিলেন। মাইকেলের নিকট হইতে "ব্রজাঙ্গনা" কাব্যের পাতুলিপি লইয়া পড়িয়া অবধি, তিনি মাইকেলের অতিশয় অসুগত হইয়া পড়েন; "ব্রজাঙ্গনা" পড়িয়া তিনি মুগ্ধ হইয়া গিয়াছিলেন। মাইকেল তাহাই জানিও

পারিয়া—“ব্রজাঙ্গনা”র সমস্ত স্বত্ব (copyright) সেই পাণ্ডুলিপি অবস্থাতেই বৈকুণ্ঠবাবুকে দান করেন। বৈকুণ্ঠবাবু নিজ-ব্যয়ে কাব্যখানি প্রথম প্রকাশ করেন।—পৃ. ৬৭-৬৮।

বৈকুণ্ঠনাথ দত্ত প্রথম সংস্করণের পুস্তকে একটি “বিজ্ঞাপন” লিখিয়াছিলেন। এই বিজ্ঞাপনের তারিখ ২৮ আষাঢ়, ১২৬৮; অর্থাৎ ১৮৬১ খ্রীষ্টাব্দের জুলাই মাসের মাঝামাঝি ইহা পুস্তকাকারে প্রকাশিত হইয়াছিল। প্রথম সংস্করণের আখ্যাপত্র এইরূপ—

ব্রজাঙ্গনা কাব্য। / কবিবর শ্রীযুক্ত মাইকেল মধুসূদন দত্ত / প্রণীত। / গোপীভর্তৃবিবাহবিধুরা—” / উন্নতবে—” পদাঙ্কত। / শ্রী আম্, এম্, বসু কোম্পানী কর্তৃক / প্রকাশিত। / কলিকাতা স্ত্যাক্ষ বঙ্গ শ্রীলালচাঁদ বিশ্বাস এণ্ড কোম্পানী / কর্তৃক বাতির মুদ্রাপুর ১৩ সখ্যক / ভবনে মুদ্রিত। / ১৮৬১। /

প্রথম সংস্করণের “বিজ্ঞাপন”টিও ছবছ উদ্ধৃত হইল—

বিজ্ঞাপন।

কবিবর শ্রীযুক্ত মাইকেল মধুসূদন দত্ত মহাশয়ের কাব্যাদি রচনা করিবার যে প্রকার অকুতশক্তি, তাহা তৎপ্রণীত অত্যন্ত কাল-সম্বৃত “শশিষ্ঠা,” “পদ্মাবতী” ও “কৃষ্ণকুমারী” নাটক, “একেই কি বলে সভ্যতা?” “বুড় সালিকের ঘাড়ে রোয়া,” অমিত্রাকর “ভিলোপ্তমাসম্ভব” এবং “মেঘনাদবধ কাব্য” প্রত্যক্ষ প্রমাণ প্রদান করিতেছে; আমি তাহার কি বর্ণন করিব? তিনি শেবোক্ত হইখানি গ্রন্থ রচনা করিয়া যে বাঙ্গলা ভাষায় একটি নূতন কাব্য রচনার পথ প্রদর্শন করিয়াছেন, ইহা অবশ্যই স্বীকার করিতে হইবেক।

ঐহার অমিত্রাকর কবিতা রচনাতে যাদৃশ অমুরাগ মিত্রাকরে কিছু সেরূপ নাই বটে; তথাপি তিনি যে প্রণালীতে এই ক্ষুদ্র কাব্যখানি রচনা করিয়াছেন, ইহাতে ঐহার মিত্রামিত্র উভয়স্বক অক্ষরেই তত্ত্বচনার ক্ষমতা প্রতিপন্ন করিতেছে।

শ্রীকৃষ্ণের লীলা বিষয়ে শ্রীমতী রাধিকার প্রেম প্রসঙ্গে অনেকেই অনেক প্রকার কাব্য রচনা করিয়া গিয়াছেন ও করিতেছেন, কিন্তু বাঙ্গলা ভাষায় এরূপ নূতন ছন্দ ও স্তম্ভুর নবভাব পরিপূর্ণিত কবিতা এ পর্য্যন্ত কেহই রচনা করেন নাই বোধ হয়।

সদয়হৃদয় কবিবর দত্ত মহোদয় স্বীয় বদান্ততা ও উদার্য্যগুণে এই গ্রন্থখানির স্বাধিকার পরিত্যাগ করিয়া এককালে আমাকে দান করিয়াছেন। আমি তদীয় দাতৃত্ব ও মহত্বগুণ ধারা এই গ্রন্থখানি কীর্তনপূর্বক ঐহার নিকট কৃতজ্ঞতা স্বীকার করত কবরডাঙ্গাস্থিত শ্রীযুক্ত আর, এম, বসু কোম্পানী দ্বারা এই গ্রন্থখানি প্রকাশ করিলাম।

স্বাক্ষরিততঃ এই গ্রন্থখানির ‘বিবহ’ বিবরণটি ১৮টি প্রস্তাবে প্রথম সর্গে প্রকাশিত হইল; যদি পাঠকমণ্ডলীর নিকটে কাঙ্গালিনী ব্রজাঙ্গনাকে স্তম্ভুরভাবিলীক্ৰমে সমাদৃত হইতে দেখা যায়, তাহা হইলে গ্রন্থকারের শ্রমসাফল্য এবং প্রকাশকের ব্যয়ের সার্থকতা জ্ঞান করত সোৎসুকচিত্তে শ্রীন্দ্রের

নন্দন শ্রীকৃষ্ণের সচিত বৃকভাষ্মনন্দিনী শ্রীমতী রাধিকার সম্মিলন, যজ্ঞোপাধি বিষয় ক্রমশঃ সর্গান্তর হইতে সর্গান্তরে প্রকটনপূর্বক ব্রজাঙ্গনাকে সর্ভাঙ্গসৌষ্ঠবাধিতা করিতে বক্তবান্ হইব ইতি ।

কলিকাতা
২৮ আষাঢ় ১২৬৮ ।

শ্রীবেকুঠনাথ দত্ত

পুনশ্চ : গ্রন্থের স্বত্বাধিকার রক্ষার জন্ত যে রাজনিয়ম প্রচলিত আছে, সেই নিয়মামুসারে এই গ্রন্থখানি রেজেষ্ট্রী করিলাম ।

“অমিত্রাঙ্কর কবিতা রচনাতে অমুরাগ” সত্ত্বেও মধুসূদন এই ছন্দোবদ্ধ গাথাগুলি রচনা করিয়া বিশেষ আশ্চর্য্যপ্রসাদ লাভ করিয়াছিলেন । পুণ্ডিতামুগতিক পয়ার ও ত্রিপদীর মোহ এড়াইয়া তিনি নিজের আবিষ্কৃত (নানা ছন্দের সংমিশ্রণে) ছন্দ-স্ববক-পদ্ধতির পরীক্ষায় ‘ব্রজাঙ্গনা কাব্য’ ফাঁদিয়াছিলেন । ১৮৬০ খ্রীষ্টাব্দের ১৪ জুলাই তারিখে তিনি রাজনারায়ণ বসুকে লিখিয়াছিলেন :—

I have made up my mind to write (Deo volente !) three short poems in Blank-verso, and then do something in rhyme ; don't fancy I am going to inflict পয়ার and ত্রিপদী on you. No! I mean to construct a stanza like the Italian Ottava Rima and write a romantic tale in it,...

[ভগবান্ যদি বিরূপ না হন, অমিত্রচ্ছন্দে তিনটি ছোট কবিতা এবং পরে মিত্রচ্ছন্দে কিছু লিখিতে মনস্থ করিয়াছি ; তোমাদের উপর পয়ার ও ত্রিপদীর বোঝা চাপাইব, এরূপ কল্পনা করিব না । ইতালীর অট্টাভা রিমার আদর্শে ছন্দ-স্ববক সৃষ্টি করিয়া তাহাতেই একটি প্রেমের গল্প লিখিতে চাই ।]

এই কার্য্য যে তিনি নিজের অভিপ্রায়ামুযায়ী করিয়া যাইতে পারিয়াছিলেন, রাজনারায়ণের নিকট লিখিত পরবর্ত্তী চিঠিতেই তাহার প্রমাণ আছে :—

How [Here ?] you are, old boy, a Tragedy, a volume of Odes, one half of a real Epic poem! All in the course of one year ; and that year only half old !

[বসু, দেখিতেছ ত—একটি বিষয়োগম্ভ নাটক, একটি গীতিকবিতা-সংগ্রহ এবং খাঁটি মহাকাব্যের আধখানা—সংগ্রহ এক বছরে ! এক বছর কেন, ছয় মাসে !]

প্রথম সংস্করণের “বিভ্রাপনে” এই কাব্যের অগ্গাণ্ড সর্গ প্রকাশের উল্লেখ আছে । মধুসূদন রাধা-বিরহ আরও ধানিকটা লিখিতে আরম্ভ করিয়াছিলেন ;

দুঃখের বিষয়, তিনটি স্তবকের বেশী তিনি অগ্রসব হইতে পারেন নাই। এই অংশও আমরা গ্রন্থশেষে সংযোজন করিলাম।

দুরূহ শব্দ ও বাক্যাংশের অর্থ এবং অগ্ণাণ প্রয়োজনীয় মন্তব্য “পরিশিষ্টে” প্রদত্ত হইল।

মধুসূদনের জীবিতকালে ‘ব্রজাঙ্গনা কাব্যে’র দুইটি সংস্করণ প্রকাশিত হয়। প্রথম সংস্করণের প্রকাশকাল ১৮৬১ খ্রীষ্টাব্দ। দ্বিতীয় সংস্করণ প্রকাশিত হয় ১৮৬৪ খ্রীষ্টাব্দে। ইহা “শ্রীযুত ঈশ্বরচন্দ্র বসু কোং বহুবাজারস্থ ১৮২ সংখ্যক ভবনে ষ্ট্যান্‌হোপ্‌ যন্ত্রে যন্ত্রিত” হয়। ইহারও পৃষ্ঠা-সংখ্যা ৪৬। প্রথম সংস্করণের বিজ্ঞাপন ইহাতে পরিচ্যক্ত হইয়াছে ; প্রকাশকেরও পরিবর্তন ঘটিয়াছে। অগ্ণথায় ইহা প্রথম সংস্করণেরই পুনর্মুদ্রণ ; ছই একটি শব্দ পরিবর্তিত ও কয়েকটি বর্ণাশুদ্ধি সংশোধিত হইয়াছে মাত্র।

যে যাহারে ভাল বাসে, সে যাইবে তার পাশে—
 মদন রাজার বিধি লজ্জিব কেমনে ?
 যদি অবহেলা করি, রুধিবে শঙ্কর-অরি ;
 কে সম্বরে স্মর-শরে এ তিন ভুবনে ।

৩

ওই শুন, পুনঃ বাজে মজাইয়া মন, রে,
 মুরারির বাঁশী !
 সুমন্দ মলয় আনে ও নিনাদ মোর কানে—
 আমি শ্রাম-দাসী ।
 জলদ গরজে যবে, ময়ুরী নাচে সে রবে ;—
 আমি কেন না কাটিব শরমের ফাঁসি ?
 সৌদামিনী ঘন সনে, ভ্রমে সদানন্দ মনে ;—
 রাধিকা কেন ত্যজিবে রাধিকাবিলাসী ?

ফুটিছে কুমুমকুল মঞ্জু কুঞ্জবনে, রে,
 যথা গুণমণি ।
 হেরি মোর শ্রামচাঁদ, পৌরিতের ফুল-কাঁড়,
 পাতে লো ধরণী !
 কি লজ্জা । হা ধিক্ তারে, ছয় ঋতু বরে স্বারে,
 আমার প্রাণের ধন লোভে সে রমণী ?
 চল, লখি, শীঘ্র যাই, পাছে মাধবে হারাই,—
 মণিহারী কণিনী কি বাঁচে লো স্বন্দরি ?

সাগর উদ্দেশে নদী ভ্রমে দেশে দেশে, রে,
 অবিরাম গতি ;—
 গগনে উদিলে শশী, হাসি যেন পড়ে খসি,
 নিশি রূপবতী ;

চপলা চকলা হয়ে, হাসি প্রাণনাথে লয়ে
তুবিছে তাহার দিয়ে ঘন আলিঙ্গন !

৩

নাচিছে শিখিনী সূখে কেকা রব করি,
হেরি ব্রজ কুঞ্জবনে, রাধা রাধাপ্রাণধনে,
নাচিত্ত যেমতি যত গোকুল সুন্দরী ।
উড়িতেছে চাতকিনী শূন্যপথে বিহারিণী
জয়ধ্বনি করি ধনী—জলদ-কিঙ্করী ।

8

হায় রে কোথায় আজি স্তাম জলধর ।
তব প্রিয় সৌদামিনী, কাঁদে নাথ একাকিনী
রাধারে ভুলিলে কি হে রাধামনোহর ?
রত্নচূড়া শিরে পরি, এস বিশ্ব আলো করি,
কনক উদয়াচলে যথা দিনকর ।

তব অপরূপ রূপ হেরি, গুণমণি,
অভিমাণে ঘনে খর যাবে কাঁদি দেশান্তর,
আখণ্ডল-ধনু লাজে পালাবে অমনি ;
দিনমণি পুনঃ আসি উদবে আকাশে হাসি ;
রাধিকার সূখে সুখী হইবে ধরণী ;

৬

নাচিবে গোকুল নারী, যথা কমলিনী
নাচে মলয়-হিল্লোলে সরসী-রূপসী-কোলে,
রুণু রুণু মধু বোলে বাজায় কিঙ্কিণী ।
বসাইও ফুলাসনে এ দাসীরে তব সনে
তুমি নব জলধর এ তব অধীনী ।

৭

অরে আশা আর কি রে হবি ফলবতী ?
আর কি পাইব তারে সদা প্রাণ চাহে যারে
পতি-হারার রতি কি লো পাবে রতি-পতি ?
মধু কহে হেঁ কামিনী, আশা মহামারাবিনী ।
মরীচিকা কার তুষা কবে তোষে সতি ?

যমুনাতটে

১

মুহু কলরবে তুমি, ওহে শৈবলিনি,
কি কহিছ ভাল করে কহ না আমারে ।
সাগর-বিরহে যদি, প্রাণ ভব কাঁদে, নদি,
তোমার মনের কথা কহ রাধিকারে—
তুমি কি জান না, ধনি, সেও বিরহিণী ?

২

তপনভনয়া তুমি ; তেঁই কাদম্বিনী
পালে তোমা শৈলনাথ-কাঞ্চন-ভবনে ;
জন্ম ভব রাজকূলে, (সৌরভ জনমে ফুলে)
রাধিকারে লজ্জা তুমি কর কি কারণে ?
তুমি কি জান না সেও রাজার নন্দিনী ?

এস, সখি, তুমি আমি বসি এ বিরলে ।
হৃৎনের মনোআলা জুড়াই হৃৎনে ;
ভব কূলে, কল্পোলিনি, ভ্রমি আমি একাকিনী,
অনাথা অতিথি আমি তোমার সদনে —
তিতিছে বসন মোর নয়নের জলে ।

মধুসূদন-প্রহ্লাদবলী

৪

ফেলিয়া দিয়াছি আমি যত অলঙ্কার—
রতন, মুকুতা, হীরা, সব আভরণ ।
ছিঁড়িয়াছি ফুল-মালা জুড়াতে মনের জ্বালা,
চন্দন চর্চিত দেহে ভস্মের লেপন ।
আর কি এ সবে সাদ আছে গো রাখার ?

৫

তবে যে সিন্দূরবিন্দু দেখিছ ললাটে,
সধবা বলিয়া আমি রেখেছি ইহারে ।
কিন্তু অগ্নিশিখা সম, হে সখি, সীমন্তে মম
জ্বলিছে এ রেখা আজি—কহিছু তোমারে—
গোপিলে এ সব কথা প্রাণ যেন ফাটে ।

৬

বসো আসি, শশিমুখি, আমার আঁচলে,
কমল আসনে যথা কমলবাসিনী ।
ধরিয়া তোমার গলা, কাঁদি লো আমি অবলা,
কর্ণক ভুলি এ জ্বালা, ওহে প্রবাহিণি ।
এস গো বসি দুজনে এ বিজন স্থলে ।

কি আশ্চর্য্য ! এত করে করিছু মিনতি,
তবু কি আমার কথা শুনিলে না, ধনি ?
এ সকল দেখে শুনে, রাখার কঁপাল-শুণে,
তুমিও কি ঘৃণিলা গো রাখায়, স্বজনি ?
এই কি উচিত তব, ওহে শ্রোতস্বতি ?

৮

হার রে তোমারে কেন দোষি, ভাগ্যবতি ?
ভিখারিণী রাখা এবে—তুমি রাজরানী ।

ব্রজাঙ্গনা কাব্য

হরপ্রিয়া মন্দাকিনী, সুভগে, তব সজিনী,
অর্পেন সাগর-করে তি নি তব পাণি ।
সাগর-বাসরে তব তাঁর সহ গতি ।

মুহু হাসি নিশি আসি দেখা দেয় যবে,
মনোহর সাজে তুমি সাজ লো কামিনী ।
ভারাময় হার পরি, শশধরে শিরে ধরি,
কুসুমদাম কবরী, তুমি বিনোদিনী,
ক্রান্তগতি পতিপাশে যাও কলরবে ।

১০

হায় রে এ ব্রজে আজি কে আছে রাখার ?
কে জানে এ ব্রজজনে রাখার যাতন ?
দিবা অবসান হলে, রবি গেলে অস্তাচলে,
যদিও ঘোর তিমিরে ডোবে ত্রিভুবন,
নলিনী যেমনি জ্বলে—এত জ্বালা কার ?

১১

উচ্চ তুমি নীচ এবে আমি হে বুঝতি,
কিন্তু পর-হুঃখে হুঃখী না হয় যে জন,
বিফল জনম তার, অবশ্য সে ছুরাচার ।
মধু কহে, মিছে ধনি করিছ রোদন,
কাহার হৃদয়ে দয়া করেন বসতি ?

৪

ময়ূরী

১

ভরুশাখা উপরে, শিখিনি,
কেনে লো কসিকা ফুই বিরস বদনে ?

মধুসূদন-প্রহ্লাবলী

না হেরিয়া শ্রামচাঁদে, তোরও কি পরাণ কাঁদে,
 তুইও কি ছুঃখিনী !
 আহা ! কে না ভালবাসে রাধিকারমণে ?
 কার না জুড়ায় আঁখি শশী, বিহঙ্গিনি ?

২

আয়, পাখি, আমরা দুজনে
 গলা ধরাধরি করি ভাবি লো নীরবে ;
 নবীন নীরদে প্রাণ, তুই করেছিস্ দান—
 সে কি তোর হবে ?
 আর কি পাইবে রাখা রাধিকারঞ্জে ?
 তুই ভাব্ ঘনে, ধনি, আমি ক্রীমাধবে !

৩

কি শোভা ধরয়ে জলধর,
 গভীর গরজি যবে উড়ে সে গগনে !
 স্বর্ণবর্ণ শক্র-ধনু— রতনে খচিত তনু—
 চূড়া শিরোপর :
 বিজলী কনক দাম পরিয়া যতনে,
 মুকুলিত লতা যথা পরে তরুবর !

কিস্ত ভেবে দেখ্ লো কামিনি,
 মম শ্রাম-রূপ অল্পমম জিহুবনে ।
 হায়, ও রূপ-মাধুরী, কার মন নাহি চুরি,
 করে, রে শিখিনি ।
 যার আঁখি দেখিয়াছে রাধিকামোহনে,
 সেই জানে কেনে রাখা কুলকলঙ্কিনী ।

ব্রজাঙ্গনা কাব্য

৫

তরুশাখা উপরে, শিখিনি,
কেনে লো বসিয়া তুই বিরসবদনে ?
না হেরিয়া শ্যামচাঁদে, তোরও কি পরাণ কাঁদে,
তুই ও কি ছঃখিনী ?
আহা ! কে না ভালবাসে স্ত্রীমধুসুদনে ?
মধু কহে, যা কহিলে, সত্য বিনোদিনি ।

৫

পৃথিবী

হে বসুধে, জগৎজননি !
দয়্যাবতী তুমি, সতি, বিদিত ছুবনে ।
যবে দশানন অরি,
বিসর্জিলা হতাশনে জানকী সুন্দরী,
তুমি গো রাখিলা বরাননে ।
তুমি, ধনি, দ্বিধা হয়ে, বৈদেহীরে কোলে লয়ে,
জুড়ালে তাহার আলা বাসুকি-রমণি ।

২

হে বসুধে, রাখা বিরহিণী ।
তার প্রতি আজি তুমি বাম কি কারণে ?
শ্রামের বিরহানলে, সুভগে, অভাগা জলে,
তারে যে কর না তুমি মনে ?
পুড়িছে অবলা বালা, কে সখরে তার আলা,
হার, এ কি রীতি তব, হে ঋতুকামিনি ।

শমীর হৃদয়ে অগ্নি জ্বলে —
 কিন্তু সে কি বিরহ-অনল, বসুন্ধরে ?
 তা হলে বন-শোভিনী
 জীবন যৌবনতাপে হারাত তাপিনী—
 বিরহ ছরুহ ছহে হরে !
 পুড়ি আমি অভাগিনী, চেয়ে দেখ না যেদিনি,
 পুড়ে যথা বনস্থলী ঘোর দাবানলে !

আপনি তো জান গো ধরণি
 তুমিও তো ভালবাস ঋতুকুলপতি ।
 তার শুভ আগমনে
 হাসিয়া সাজহ তুমি নানা আভরণে—
 কামে পেলো সাজে যথা রতি ।
 অলকে বলকে কত ফুল-রত্ন শত শত ।
 তাহার বিরহ হুঃখ ভেবে দেখ, ধনি !

লোকে বলে রাধা কলঙ্কিনী ।
 তুমি তারে ঘৃণা কেনে কর, সৌমন্তিনি ?
 অনন্ত, অলধি নিধি—
 এই ছই বরে তোমা দিয়াছেন বিধি,
 তবু তুমি মধুবিলাসিনী ।
 শ্রাম মম প্রাণ স্বামী— শ্রামে হারিয়েছি আমি,
 আমার হুঃখে কি তুমি হও না হুঃখিনী ?

৬

হে মহি, এ অবোধ পরাণ
 কেমনে করিব স্থির কহ গো আমারে ?
 বসন্তরাজ বিহনে
 কেমনে বাঁচ গো তুমি—কি ভাবিনা মনে—
 শেখাও সে সব রাধিকারে !
 মধু কহে, হে সুন্দরি, থাক হে ধৈর্য ধরি,
 কালে মধু বসুধারে করে মধুদান !

৬

প্রতিধ্বনি

কে তুমি, শ্যামেরে ডাক রাধা যথা ডাকে—
 হাহাকার হবে ?
 কে তুমি, কোন্ যুবতী, ডাক এ বিরলে, সতি,
 অনাথা রাধিকা যথা ডাকে গো মাধবে ?
 অভয় হৃদয়ে তুমি কহ আসি মোরে—
 কে না বাঁধা এ জগতে শ্যাম-প্রম-ভোরে !

২

কুমুদিনী কায়, মনঃ সঁপে শশধরে—
 জুবনমোহন !
 চকোরী শশীর পাশে, আসে সদা সুধা আশে,
 নিশি হাসি বিহারয়ে লয়ে সে রতন ;
 এ সকল দেখিয়া কি কোপে কুমুদিনী ?
 স্বজনী উভয় তার—চকোরী, যামিনী !

বুঝিলাম এতক্ষণে কে তুমি ডাকিছ—
আকাশ-নন্দিনি !

পর্যন্ত গহন বনে, বাস তব, বরাননে,
সদা রঙ্গরসে তুমি রত, হে রঙ্গিণি !
নিরাকারা ভারতি, কে না জানে তোমারে ?
এসেছ কি কাঁদিতে গো লইয়া রাধারে ?

জানি আমি, হে স্বজনি, ভাল বাস তুমি,
মোর শ্রামধনে ।

শুনি মুরারির, বাঁশী, গাইতে তুমি গো আসি,
শিখিয়া শ্রামের গীত, মঞ্জু কুঞ্জবনে ।
রাধা রাধা বলি যবে ডাকিতেন হরি—
রাধা রাধা বলি তুমি ডাকিতে, সুন্দরি ।

যে ব্রজে শুনিতে আগে সঙ্গীতের ধনি,
আকাশসম্ভবে,

ভূতলে নন্দনবন, আছিল যে বৃন্দাবন,
সে ব্রজ পুরিছে আজি হাহাকার রবে ।
কত যে কাঁদে রাধিকা কি কব, স্বজনি,
চক্রেবাকী সে—এ তার বিরহ রজনী ।

এস, সখি, তুমি আমি ডাকি ছই জনে
রাধা-বিনোদন ;

যদি এ দাসীর রব, কুরব ভেবে মাধব
না শুনেন, শুনিবেন তোমার বচন ।
কত শত বিহঙ্গিনী ডাকে ঋতুবরে—
কোকিলা ডাকিলে তিনি আসেন সত্বরে !

৭

না উত্তরি মোরে, রামা, যাগা আমি বলি,
তাঁই তুমি বল ?
জানি পরিহাসে রত, রঙ্গিনি, তুমি সতত,
কিন্তু আজি উচিত কি তোমার এ ছল ?
মধু কহে, এই রীতি ধরে প্রতিধ্বনি,—
কাঁদ, কাঁদে ; হাস, হাসে, মাধব-রমণি !

৭

ঊষা

১

কনক উদয়াচলে তুমি দেখা দিলে,
হে সুর-সুন্দরি ।
কুমুদ মুদয়ে আঁখি, কিন্তু সুখে গায় পাখী,
গুঞ্জরি নিকুঞ্জে ভ্রমে ভ্রমর ভ্রমরী ;
বরসরোজিনী ধনী, তুমি হে তার স্বজনী,
নিত্য তার প্রাণনাথে আন সাথে করি !

২

তুমি দেখাইলে পথ যায় চক্রবাকী
যথা প্রাণপতি !
ব্রজাঙ্গনে দয়া করি, লয়ে চল যথা হরি,
পথ দেখাইয়া তারে দেহ শীত্ৰপতি !

কাঁদিয়া কাঁদিয়া আঁধা, আজি গো শ্রামের রাধা,
ঘুচাও আঁধার তার, হৈমবতি সতি !

৩

হায়, উষা, নিশাকালে আশার স্বপনে
ছিলাম ভুলিয়া,
ভেবেছিহু তুমি, ধনি, নাশিবে ব্রজ রজনী,
ব্রজের সরোজরবি ব্রজে প্রকাশিয়া ।
ভেবেছিহু কুঞ্জবনে পাইব পরাণধনে,
হেরিব কদম্বমূলে রাধা বিনোদিয়া ।

৪

মুকুতা-কুণ্ডলে তুমি সাজাও, ললনে,
কুম্বকামিনী ;
আন মন্দ সমীরণে বিহারিতে তার সনে,
রাধা বিনোদনে কেন আন না, রঞ্জিণি ?
রাধার ভূষণ যিনি, কোথায় আজি গো তিনি ?
সাজাও আনিয়া তাঁরে রাধা বিরহিণী ।

ভালে তব জলে, দেবি, আভাময় মণি—

বিমল কিরণ ;

ফণিনী নিজ কুন্তলে পরে মণি কুতূহলে—

কিস্ত মণি-কুলরাজা ব্রজের রতন ।

মধু কহে, ব্রজাজনে, এই লাগে মোর মনে—

ভূতলে অতুল মণি শ্রীমধুসূদন ।

৮

কুসুম

১

কেনে এত ফুল তুলিলি, স্বজনি—
 ভরিয়া ডালা ?
 মেঘাবৃত হলে, পরে কি রজনী
 তারার মালা ?
 আর কি যতনে, কুসুম রতনে
 ব্রজের বালা ?

২

আর কি পরিবে কড়ু ফুলহার
 ব্রজকামিনী ?
 কেনে লো হরিলি ভূষণ লতার—
 বনশোভিনী ?
 অলি বঁধু তার ; কে আছে রাখার—
 হতভাগিনী ?

৩

হায় লো দোলাবি, সখি, কার গলে
 মালা গাঁথিয়া ?
 আর কি নাচে লো তমালের ভলে
 বনমালিয়া ?
 প্রেমের পিঞ্জর, ভাঙি পিকবর,—
 গেছে উড়িয়া !

৪

আর কি বাজে লো মনোহর বাঁশী
 নিকুঞ্জবনে ?

মধুসূদন-প্রার্থাবলী

ব্রজ সুধানিধি শোভে কি লো হাসি,
 ব্রজগগনে ?
 ব্রজ কুমুদিনী, এবে বিলাপিনী
 ব্রজভবনে !

হায় রে ষমুনে, কেনে না ডুবিল
 তোমার জলে
 অদয় অক্রুর, যবে সে আইল
 ব্রজমণ্ডলে ?
 ক্রুর দূত হেন, বধিলে না কেন
 বলে কি ছলে ?

৬

হরিল অধম মম প্রাণ হরি
 ব্রজরতন !
 ব্রজবনমধু নিল ব্রজ অরি,
 দলি ব্রজবন ?
 কবি মধু জ্ঞে, পাবে, ব্রজাজনে,
 মধুসূদন !

৯

মলয় মারুত

১

গুনেছি মলয় গিরি তোমার আশয়—
 মলয় পবন !
 বিহঙ্গিনীগণ তথা গাহে বিস্তাধরী যথা,
 সঙ্গীত সুধায় পূরে নন্দন কানন ;

কুসুমকুলকামিনী, কোমলা কমলা জিনি,
সেবে তোমা, রতি যথা সেবেন মদন !

২

হায়, কেনে ব্রজে আজি ভ্রমিছ হে তুমি—
মন্দ সমীরণ ?
যাও সরসীর কোলে, দোলাও মুছ হিল্লোলে
সুপ্রফুল্লনলিনীরে—প্রেমানন্দ মন ।
ব্রজ-প্রভাকর যিনি, ব্রজ আজি ত্যজি তিনি,
বিরাজেন অস্তাচলে—নন্দের নন্দন !

সৌরভ রতন দানে তুষিবে তোমারে
আদরে নলিনী ;
তব তুল্য উপহার কি আজি আছে রাধার ?
নয়ন আসারে, দেব, ভাসে সে ছুঃখিনী ।
যাও যথা পিকবধু— বরিষে সঙ্গীত-মধু,—
এ নিকুঞ্জে কাঁদে আজি রাধা বিরহিণী !

৪

তবে যদি, সুভগ, এ অভাগীর ছুঃখে
ছুঃখী তুমি মনে,
যাও আশু, আশুগতি, যথা ব্রজকুলপতি—
যাও যথা পাবে, দেব, ব্রজের রতনে ।
রাধার রোদনধ্বনি বহ যথা শ্যামমণি—
কহ তাঁরে মরে রাধা শ্যামের বিহনে !

যাও চলি, মহাবলি, যথা বনমালী—
রাধিকা-বাসন ;

তুমি শূন্য হৃষ্টমতি, রোধে যদি ভব গতি,
 মোর অল্পরোধে তারে ভেঙে, প্রভঞ্জন !
 তরুরাজ যুদ্ধ আশে, তোমারে যদি সন্তাষে—
 বজ্রাঘাতে যেও তার করিয়া দলন !

৬

দেখি তোমা পীরিতের কাঁদ পাতে যদি
 নদী রূপবতী ;
 মজ্জা না বিভ্রমে তার, তুমি হে দূত রাধার,
 হেরো না, হেরো না দেব কুমুম যুবতী !
 কিনিতে তোমার মন, দিবে সে সৌরভধন,
 অবহেলি সে ছলনা, যেয়ো আশুগতি !

৭

শিশিরের নীরে ভাবি অক্ষরারিধার,
 ভুলো না, পবন !
 কোকিলা শাখা উপরে, ডাকে যদি পঞ্চস্বরে,
 মোর কিরে শীঘ্র করে ছেড়ে সে কানন !
 স্মরি রাধিকার হৃৎখ, হইও স্মখে বিমুখ—
 মহৎ যে পরহৃৎখে হৃৎখী সে সূজন !

উতরিবে যবে যথা রাধিকারমণ,
 মোর দূত হয়ে,
 কহিও গোকুল কাঁদে হারাইয়া শ্যামচাঁদে-
 রাধার রোদনধ্বনি দিও তাঁরে লয়ে ;
 আর কথা আমি নারী শরমে কহিতে নারি,-
 মধু কহে, ব্রজাঙ্গনে, আমি দিব কয়ে ।

১০

বংশীধ্বনি

কে ও বাজাইছে বাঁশী, স্বজনি,
 মূহু মূহু স্বরে নিকুঞ্জবনে ?
 নিবার উহারে ; শুনি ও ধ্বনি
 দ্বিগুণ আগুন জ্বলে লো মনে ?—
 এ আগুনে কেনে আছতি দান ?
 অমনি নারে কি জ্বালাতে প্রাণ ?

২

বসন্ত অস্ত্রে কি কোকিলা গায়
 পল্লব-বসনা শাখা-সদনে ?
 নীরবে নিবিড় নীড়ে সে যায়—
 বাঁশীধ্বনি আজি নিকুঞ্জবনে ?
 হায়, ও কি আর গীত গাইছে ?
 না হেরি শ্যামে ও বাঁশী কাঁদিয়ে ?

৩

শুনিয়াছি, সেই, ইন্দ্র ক্রিয়া
 গিরিকুল-পাখা কাটিল যবে,
 সাগরে অনেক নগ পশিয়া
 রহিল ভুবিয়া—জলধিভবে ।
 সে শৈল সকল শির উচ্চ করি
 নাশে এবে সিদ্ধগামিনী তরী ।

কে জানে কেমনে প্রেমসাগরে
 বিচ্ছেদ-পাহাড় পশিল আসি ?

মধুসূদন-প্রহ্লাবলী

কার প্রেমভরী নাশ না করে—
 ব্যাধ যেন পাখী পাতিয়া কাঁসি—
 কার প্রেমভরী মগনে না জলে
 বিচ্ছেদ-পাহাড়—বলে কি ছলে ।

৫

হায় লো সখি, কি হবে স্মরিলে
 গত সুখ ? তারে পাব কি আর ?
 বাসি ফুলে কি লো সৌরভ মিলে ?
 ভুলিলে ভাল যা—স্মরণ তার ?
 মধুরাজে ভেবে নিদাঘ-জ্বালা,
 কহে মধু, সহ, ব্রজের বালা ।

১১

গোধূলি

১

কোথা রে রাখাল-চূড়ামণি ?
 গোকুলের গাভীকুল, দেখ, সখি, শোকাকুল,
 না শুনে সে মুরলীর ধনি ।
 ধীরে ধীরে গোষ্ঠে সবে পশিছে নীরব,—
 আইল গোধূলি, কোথা রহিল মাধব ।

২

আইল লো তিমির যামিনী ;
 তরুডালে চক্রবাকী বসিয়া কাঁদে একাকী—
 কাঁদে যথা রাধা বিরহিণী ।
 কিন্তু নিশা অবসানে হাসিবে সুন্দরী ;
 আর কি পোহাবে কড়ু মোর বিভাবরী ?

ওই দেখে উদ্বিগ্নে গগনে—

জগত-জন-রজন— সুধাংশু রজনীধন,
 শ্রমদা কুমুদী হাসে প্রফুল্লিত মনে ;
 কলঙ্কী শশাঙ্ক, সখি, তোষে লো নয়ন—
 ব্রজ-নিঙ্কলঙ্ক-শশী চুরি করে মন ।

৪

হে শিশির, নিশার আসার !
 তিতিও না ফুলদলে ব্রজে আজি তব জলে,
 বৃথা ব্যয় উচিত গো হয় না তোমার ;
 রাধার নয়ন-বারি ঝরি অবিরল,
 ভিজাইবে আন্ধি ব্রজে—যত ফুলদল ।

৫

চন্দনে চচ্চিয়া কলেবর,
 পরি নানা ফুলসাজ, লাজের মাথায় বাজ ;
 মজায় কামিনী এবে রসিক নাগর ;
 তুমি বিনা, এ বিরহ, বিকট মুরতি,
 করে আজি ব্রজাঙ্গনা দিবে প্রেমারতি ?

৬

হে মন্দ মলয় সমীরণ,
 সৌরভ ব্যাপারী তুমি, ত্যজ আন্ধি ব্রজভূমি—
 অগ্নি বধা জ্বলে তথা কি করে চন্দন ?
 যাও হে, মোদিত কুবলয় পরিমলে,
 জুড়াও সুরতরঙ্গ সৌমস্তিনী দলে ।

৭

যাও চলি, বায়ু-কুলপতি,
কোকিলার পঞ্চস্বর বহু তুমি নিরন্তর—
ব্রজে আজি কাঁদে যত ব্রজের সুবতী !
মধু ভুগে, ব্রজাঙ্গনে, করো না রোদন,
পাবে বঁধু—অঙ্গীকারে শ্রীমধুসূদন ।

১২

গোবর্ধন গিরি

১

নমি আমি, শৈলরাজ, তোমার চরণে—
রাধা এ দাসীর নাম—গোকুল গোপিনী ;
কেনে যে এসেছি আমি তোমার সদনে—
শরমে মরমকথা কহিব কেমনে,
আমি, দেব, কুলের কামিনী !
কিন্তু দিবা অবসানে, হেরি তারে কে না জানে,
নলিনী মলিনী ধনী কাহার বিহনে—
কাহার বিরহানল তাপে তাপিত সে সরঃ-
সুশোভিনী ?

২

হে গিরি, যে বংশীধর ব্রজ-দিবাকর,
ভ্যজি আজি ব্রজধাম গিয়াছেন তিনি ;
নলিনী নহে গো দাসী রূপে, শৈলেশ্বর,
ভবুও নলিনী যথা ভজে প্রভাকর,
ভজে শ্রামে রাধা অভাগিনী !
হারায়ে এ হেন ধনে, অধীর হইয়া মনে,
এসেছি তব চরণে কাঁদিতে, কুধর,

কোথা মম শ্রাম গুণমণি ? মণিহার
আমি গো ফণিনী ।

রাজা তুমি ; বনরাজী ব্রততী ভূষিত,
শোভে কিরীটের রূপে তব শিরোপরে ;
কুমুম রতনে তব বসন খচিত ;
সুমন্দ প্রবাহ—যেন রজতে রঞ্জিত—
তোমার উত্তরী রূপ ধরে ;

করে তব তরুবলী, রাজদণ্ড, মহাবলি,
দেহ তব ফুলরঞ্জে সদা ধূসরিত ;—
অসৌম্য মহিমাধর তুমি, কে না তোমা পূজে
চরাচরে ?

৪

বরাজনা কুরঙ্গিনী তোমার কিঙ্করী ;
বিহঙ্গিনী দল তব মধুর গায়িনী ;
যত বননারী তোমা সেবে, হে শিখরি,
সতত তোমাতে রত বসুধা সুল্লরী—
তব প্রেমে বাঁধা গো মেদিনী ।

দিবাভাগে দিবাকর তব, দেব, ছত্রধর
নিশাভাগে দাসী তব সূতারা শর্করী !
তোমার আশ্রয় চায় আজি রাখা, শ্রাম-
প্রেম-ভিখারিণী !

৫

যবে দেবকুলপতি রুষি, মহীধর,
বরবিলা ব্রজধামে প্রলয়ের বারি,—
যবে শত শত ভীমমূর্ত্তি মেঘবর
গরজি গ্রোসিলা আসি দেব দিবাকর,
বারণে যেমনি বারণারি,—

হত্র সম তোমা ধরি রাখিলা যে ব্রজে হরি,
 সে ব্রজ কি ভুলিলা গো আজি ব্রজেশ্বর ?
 রাখার নয়নজলে এবে ডোবে ব্রজ ! কোথা
 বংশীধারী ?

৬

হে ধীর ! শরমহীন ভেবো না রাখারে—
 অসহ যাতনা দেব, সহিব কেমনে ?
 ডুবি আমি কুলবালা অকুল পাথারে,
 কি করে নীরবে রবো শিখাও আমারে—
 এ মিনতি তোমার চরণে ।
 কুলবতী যে রমণী, লজ্জা তার শিরোমণি—
 কিন্তু এবে এ মনঃ কি বুঝিতে তা পারে !
 মধু কহে, লাজে হানি বাজ, ভজ, বামা,
 শ্রীমধুসূদনে ।

১৩

সারিকা

১

ওই যে পাখীটি, সখি, দেখিছ পিঞ্জরে রে,
 সতত চঞ্চল,—
 কভু কাঁদে, কভু গায়, যেন পাগলিনী-প্রায়,
 জলে যথা জ্যোতিবিন্দু—তেমতি ভরল !
 কি ভাবে ভাবিনী যদি বুঝিতে, স্বজনি,
 পিঞ্জর ভাঙিয়া ওরে ছাড়িতে অমনি !

২

নিজে যে দুঃখিনী, পরদুঃখ বুঝে সেই রে,
 কহিছ তোমারে ;—

আজি ও পাখীর মনঃ বুঝি আমি বিলক্ষণ—
 আমিও বন্দী লো আজি ব্রজ-কারাগারে !
 সারিকা অধীর ভাবি কুসুম-কানন,
 রাধিকা অধীর ভাবি রাধা-বিনোদন ।

৩

বনবিহারিণী ধনী বসন্তের সখী রে—
 শুকের সুখিনী ?
 বলে ভলে ধরে তারে, বাঁধিয়াছ কারাগারে
 কেমনে মৈরজ ধরি রবে সে কামিনী ?
 সারিকার দশা, সখি, ভাবিয়া অন্তরে
 রাধিকারে বেঁধে না লো সংসার-পিঞ্জরে !

৪

ছাড়ি দেহ বিহগীরে মোর অনুরোধে রে—
 হইয়া সদয় ।
 ছাড়ি দেহ যাক্ চলি, হাসে যথা বনস্থলী
 শুকে দেখি সুখে ওর জুড়াবে হৃদয় !
 সারিকার ব্যথা সারি, ওলো দয়াবতি,
 রাধিকার বেড়ি ভাঙ—এ মম মিনতি ।

৫

এ ছার সংসার আজি আধার, স্বজান রে—
 রাখার নয়নে ।
 কেনে তবে মিছে তারে রাখ তুমি এ আধারে—
 সফরী কি ধরে প্রাণ বারির বিহনে ?
 দেহ ছাড়ি, যাই চলি যথা বনমালী ;
 লাগুক কুলের মুখে কলঙ্কের কালি ।

৬

ভাল যে বাসে, স্বজনি, কি কাজ তাহার রে
কুলমান ধনে ?

শ্রামপ্রেমে উদাসিনী রাধিকা শ্রাম-অধীনী--
কি কাজ তাহার আজি রত্ন আভরণে ?
মধু কহে, কুলে ভুলি কর লো গমন—
শ্রীমধুসূদন, ধনি, রসের সদন !

১৪

কৃষ্ণচূড়া

১

এই যে কুসুম শিরোপরে, পরেছি যতনে,
মম শ্রাম-চূড়া-রূপ ধরে এ ফুল রতনে ।
বসুধা নিজ কুস্তলে পরেছিল কুতূহলে
এ উজ্জ্বল মণি,
রাগে তারে গালি দিয়া। লয়েছি আমি কাড়িয়া—
মোর কৃষ্ণ-চূড়া কেনে পরিবে ধরণী ?

২

এই যে কম মুকুতাফল, এ ফুলের দলে,—
হে সখি, এ মোর আঁখিজল, শিশিরের ছলে ।
লয়ে কৃষ্ণচূড়ামণি, কাঁদিমু আমি, স্বজনি,
বসি একাকিনী,
তিতিমু নয়ন-জলে ; সেই জল এই দলে
গলে পড়ে শোভিতেছে, দেখ্ লো কামিনি ।

পাইয়া এ কুসুম রতন—শোন্ লো যুবতি,
প্রাণহরি করিমু স্মরণ—স্বপনে যেমতি ।

দেখিছু রূপের রাশি মধুর অধরে বাঁশী,
 কদমের তলে,
 পীত ধড়া স্বর্ণরেখা, নিকষে যেন লো লেখা,
 কুঞ্জশোভা ববগুঞ্জমালা দোলে গলে !

৪

মাধবের রূপের মাধুরী, অতুল ভুবনে —
 কার মনঃ নাহি করে চুরি, কহ, লো ললনে ?
 যে ধন রাখায় দিয়া, রাখার মনঃ কিনিয়া
 লয়েছিল। তরি,
 সে ধন কি শ্যামরায়, কেড়ে নিলা পুনরায় ?
 মধু কহে, তাও কভু হয় কি, সুন্দরি ?

১৫

নিকুঞ্জবনে

১

যমুনা পুলিনে আমি ভ্রমি একাকিনী,
 হে নিকুঞ্জবন,
 না পাইয়া ব্রজেশ্বরে আইছু হেথা সত্তরে,
 হে সখে, দেখাও মোবে ব্রজের রঞ্জন !
 সুখাংশু সুখার হেতু, বাঁদিয়া আশার সেতু,
 কুমুদীর মনঃ যথা উঠে গো গগনে,
 হেরিতে মুরলীধর - রূপে যিনি শশধর—
 আসিয়াছি আমি দাসী তোমার সদনে—
 তুমি হে অম্বর, কুঞ্জবর, তব চাঁদ নন্দের নন্দন !

২

তুমি জ্ঞান কত ভাল বাসি শ্যামধনে
 আমি অভাগিনী ;

তুমি জান, সুভাঙ্গন, হে কুঞ্জকুল রাজন,
এ দাসীরে কন্ত ভাল বাসিতেন তিনি !
তোমার কুসুমালয়ে যবে গো অতিথি হয়ে,
বাজায়ে বাঁশরী ব্রজ মোহিত মোহন,
তুমি জান কোন ধনী শুনি সে মধুর ধ্বনি,
অমনি আসি সেবিত ৬ রাঙা চরণ,
যথা শুনি জলদ-নিলাদ শায় রড়ে প্রমদা শিখিনী ।

৩

সে কালে—জলে রে মনঃ স্মরিলে সে কথা,
মঞ্জু কুঞ্জবন,—
ছায়া তব সহচরী সোহাগে বসাতো ধরি
মাধবে অধীনী সহ পাতি ফুলাসন ;
মুঞ্জরিত তরুবলী, গুঞ্জরিত যত অলি,
কুসুম-কামিনী তুলি ঘোমটা অমনি,
মলয়ে সৌরভধন বিতরিত অম্লক্ষণ,
দাতা যথা রাজেন্দ্রনন্দিনী - গঙ্গামোদে
মোদিয়া কানন !

পঞ্চস্বরে কত যে গাইত পিকবর
মদন-কৌর্টন,—
হেরি মম শ্যাম-ধন ভাবি তারে নবঘন,
কত যে নাচিত সুখে শিখিনী, কানন,—
ভুলিতে কি পারি তাহা, দেখেছি শুনেছি যাহা ?
রয়েছে সে সব লেখা রাধিকার মনে ।
নলিনী ভুলিবে যবে রবি-দেবে, রাধা তবে
ভুলিবে, হে মঞ্জু কুঞ্জ, ব্রজের রঞ্জে ।
হায় রে, কে জানে যদি ভুলি যবে আসি
আসিবে শমন ।

৫

কহ, সখে, জান যদি কোথা গুণমণি—

রাধিকারমণ ?

কাম-বঁধু যথা মধু তুমি হে শ্যামের বঁধু,
 একাকী আজি গো তুমি কিসের কারণ,—
 হে বসন্ত, কোথা আজি তোমার মদন ?
 তব পদে বিলাপিনী কাঁদি আমি অভাগিনী,
 কোথা মম শ্যামমণি—কহ কুঞ্জবর !
 তোমার হৃদয়ে দয়া, পদে যথা পদ্মালয়া,
 বধো না রাধাব প্রাণ না দিয়ে উত্তর !
 মধু গহে, শুন ব্রজাঙ্গনে, মধুপুরে শামধুসুদন !

১৬

১

কি कहিলি কহ, সই, শুনি লো আবার—

মধুর বচন !

সহসা হইলু কালা ; জুড়া এ প্রাণের জ্বালা,
 আর কি এ পোড়া প্রাণ পাবে সে রতন ?
 হাদে তোর পায় গরি, কহ না লো সত্য করি,
 আসিবে কি ব্রজে পুনঃ রাধিকারমণ ?

কহ, সখি, ফুটিবে কি এ মরুভূমিতে

কুসুমকানন ?

জলহীনা শ্রোতস্বতী, হবে কি লো জলবতী,
 পয়ঃ সহ পয়োদে কি বহিবে পবন ?

হাদে তোর পায় ধরি, কহ না লো সত্য করি,
আসিবে কি ব্রজে পুনঃ রাধিকারঞ্জন ?

৩

হায় লো সয়েছি কত, শ্যামের বিহনে—
কতই যাতন ।

যে জন অক্ষরধামী সেই জানে আর আমি,
কত যে কেঁদেছি তার কে করে বর্ণন ?
হাদে তোর পায় ধরি, কহ না লো সত্য করি,
আসিবে কি ব্রজে পুনঃ বাণিকামোহন ।

কোথা রে গোকুল-ইন্দু, বৃন্দাবন-সর-
কুমুদ-বাসন ।

বিষাদ নিশ্বাস বায়, ব্রজ, নাথ, উড়ে যায়,
কে রাধিবে, তব রাজ, ব্রজের রাজন ।
হাদে তোর পায় ধরি, কহ না লো সত্য করি,
আসিবে কি ব্রজে পুনঃ রাধিকাতৃষণ ।

৫

শিখিনী ধরি, স্বজনি, গ্রাসে মহাফণী—
বিষের সদন !

বিরহ বিষের তাপে শিখিনী আপনি কাঁপে,
কুলবালা এ জ্বালায় ধরে কি জীবন ।
হাদে তোর পায় ধরি, কহ না লো সত্য করি,
আসিবে কি ব্রজে পুনঃ রাধিকারতন ।

এই দেখ্ ফুলমালা গাঁথিয়াছি আমি—
চিকণ গাঁথন ।

দোলাইব শ্রামগলে, বাঁধিব বঁধুরে ছলে—
 প্রেম-ফুল-ডোরে তাঁরে করিব বন্ধন !
 ছাদে তোর পায় ধরি, কহ না লো সত্য করি,
 আসিবে কি ব্রজে পুনঃ রাধাবিনোদন ।

৭

কি কহিলি কহ, সই, শুনি লো আবার—
 মধুর বচন ।

সহসা হইলু কালো, জুড়া এ প্রাণের জ্বালা
 আর কি এ পোড়া প্রাণ পাবে সে.রতন !
 মধু—যার মধুধ্বনি— কহে কেন কাঁদ, ধনি,
 তুলিতে কি পারে তোমা শ্রীমধুসূদন ?

১৭

বসন্তে

১

ফুটিল বকুলকুল কেন লো গোকূলে আজি,
 কহ তা, স্বজনি ?
 আইলা কি ঋতুরাজ ? ধরিলো কি ফুলসাজ,
 বিলাসে ধরণী ?
 মুছিয়া নয়ন-জল, চল লো সকলে চল,
 শুনিব ভমাল তলে বেগুর সুরব ;—
 আইল বসন্ত যদি, আসিবে মাধব ।

২

যে কালে ফুটে লো ফুল, কোকিল কুহরে, সই,
 কুসুমকাননে,

মুঞ্জরয়ে তরুনলী, গুঞ্জরয়ে সুখে অলি,
 প্রেমানন্দ মনে,
 মে কালে কি বিনোদিয়া, প্রেমে জলাঞ্জলি দিয়া,
 ভুলিতে পারেন, সখি, গোকুলভবন ?
 চল লো নিকুঞ্জবনে পাইব সে ধন !

৩

শ্বন, শ্বন, শ্বনে শুন, বহিছে পবন, সই,
 গহন কাননে,
 হেরি শ্রামে পাঠ শ্রীত, গাইছে মঙ্গল গীত,
 বিহঙ্গমগণে ।
 কুবলয় পরিমল, নহে এ ; স্বজনি, চল,—
 ও সুগন্ধ দেহগন্ধ বহিছে পবন !
 হায় লো, শ্রামের বপুঃ সৌরভসদন !

৪

উচ্চ বীচি রবে, শুন, ডাকিছে যমুনা ওই
 রাখায়, স্বজনি ;
 কল কল কল কলে, সুতরঙ্গ দল চলে,
 যথা গুণমণি ।
 সুধাকর-কররাশি সম লো শ্রামের হালি,
 শোভিছে তরল জলে ; চল, স্বরা করি—
 ভুলি গে বিরহ- লা হেরি প্রাণহরি !

ভ্রমর গুঞ্জরে যথা ; গায় পিকবর, সই,
 সুমধুর বোলে ;
 মরমরে পাতাফল ; মৃদুস্বরে বহে জল
 মঙ্গল হিম্মোলে ;—

কুসুম-সুবভী হাসে, মোদি দশ দিশ বাসে,—
 কি সুখ লভিব, সখি, দেখ ভাবি মনে,
 পাই যদি হেন স্থলে গোকুলরঙনে ?

কেন এ বিলম্ব আজি, কহ ওলো সহচরি,
 করি এ মিনতি ?

কেন অধোমুখে কাঁদ, আবরি বদনচাঁদ,
 কহ, রূপবতি ?

সদা মোর মুখে সুখী, তুমি ওলো বিধুমুখি,
 আজি লো এ রীতি তব কিসের কারণে ?
 কে বিলম্ব হেন কালে ? চল কুঞ্জবনে !

৭

কাঁদিব লো সহচরি, ধরি সে কমলপদ,
 চল, ধরা করি,
 দেখিব কি মিষ্ট হাসে, শুনিব কি মিষ্ট ভাষে,
 ভোষেন ক্রীহরি
 প্রঃখিনী দাসীরে ; চল, হইলু লো হতবল,
 ধীরে ধীরে ধরি মোরে, চল লো স্বজনি ;—
 মুখে মধু শূন্য কুঞ্জে কি কাজ, রমণি ?

১৮

বসন্তে

১

সখি রে,—
 বন অতি রমিত হইল ফুল ফুটনে !
 পিককুল কলকল, চঞ্চল অলিদল,
 উছলে সুরবে জল,

চল লো বনে !

চল লো, জুড়াব আঁখি দেখি ব্রহ্মরমণে !

২

সখি রে,—

উদয় অচলে উষা, দেখ, আসি হাসিছে !

এ বিরহ বিভাবরী কাটাছু বৈরজ ধনি

এবে লো যব কি করি ?

প্রাণ কাঁদিছে !

চল লো নিকুঞ্জে যথা কুঞ্জমণি নাচিছে !

৩

সখি রে,—

পূজে ঋতুরাজে আজি ফুলজালে ধরণী !

ধূপরূপে পরিমল, আমোদিছে বনকুল,

বিহঙ্গমকুলকল,

মঙ্গল ধনি !

চল লো, নিকুঞ্জে পূজি শ্রাবরাজে, স্বজনি !

৪

সখি রে,—

পাশুরূপে অক্ষধারা দিয়া ধোব চরণে !

ছুঁই কর কোকনদে, পূজিব রাজীব পদে ;

খাসে ধূপ, লো প্রেমদে,

ভাবিরা মনে !

করণ কিঙ্কিনী ধনি বাজিবে লো সঘনে !

সখি রে,—

এ যৌবন ধন, দিব উপহার রমণে !
 ভালো যে সিন্দূরবিন্দু, হইবে চন্দনবিন্দু :—
 দেখিব লো দশ ইন্দু
 সুনখণ্ডে !
 চিরশ্রেয় বর মাগি লব, ওলো ললনে !

৬

সখি রে,—

বন অতি রমিত হইল ফুল ফুটনে !
 পিককুল কলকল, চঞ্চল অলিদল,
 উছলে সুরবে জল,
 চল লো বনে ।
 চল লো, জুড়াব আঁধি দেখি—মধুসূদনে ।

ইতি ব্রজাঙ্গনা কাব্যে বিরতো নাম
 প্রথমঃ সর্গঃ ।

ব্রজাঙ্গনা কাব্য

অসম্পূর্ণ দ্বিতীয় সর্গ

বি]

“মধুসূদন ব্রজাঙ্গনার অঙ্গ “বিহার” নামক আরও এক সর্গ লিখিতে আবৃত্ত করিয়াছিলেন, কিন্তু তাহা সম্পূর্ণ হয় নাই ।...” (‘মাইকেল মধুসূদন দত্তের জীবন-চরিত্র,’ ১ম সংস্করণ, বঙ্গাব্দ ১৩০০, পৃ. ৩৬৩) । প্রথম সর্গের এই কয়েক পংক্তি একখানি পুস্তকের মলাটের পৃষ্ঠায় লেখা ছিল ।—‘মধু-স্মৃতি’, (১৩২৭), পৃ. ২১২-৩০০ স্ট্রায়া ।

১

সাজ, সাজ ব্রজাঙ্গনে, রঞ্জে দ্বরা করি ।
মণি, মুক্তা পর কেশে, মেখলা লো কটিদেশে,
বাঁধ লো নুপুর পায়ে, কুসুমে কবরী ॥
লেপ সূচন্দন দেহে, কি সাধে রহিবে গেছে ?
ওই গুন, পুনঃ পুনঃ বাজিছে বাঁশরী ॥

২

নাচিছে লো নিভস্বিনি, কদম্বের তলে ।
শিখণ্ড-মণ্ডিত-শির, ধীরে ধীরে শ্যাম ধীর,
তুলিছে লো, বরগুঞ্জমালা বর-গলে ।
মেঘ সনে দৌদামিনী— সম রূপে, লো কামিনি,
ঝলে পীতধড়া-রূপে ঝল ঝল ঝলে ॥

হৃদে কুমুদিনী এবে প্রফুল্ল ললনে,
তব আশা-শশী আসি, শোভিছে নিকুঞ্জে হাসি,
কেন মৌনব্রতে তুমি শূন্য নিকেতনে ॥
দেব-দৈত্য মিলি বলে, মথিলা সাগর-জলে,
যে সুধার লোভে, তাহা লভিবে স্মন্দরি ।
সুধামাখা বিদ্বাধয়ে, আছে সুধা তব তরে,
যাও নিভস্বিনি, তুমি অবিলম্বে বনে ।

পরিশিষ্ট

ছন্দ শব্দ ও বাক্যাংশের ব্যাখ্যা

ব্রজাঙ্গনা—মধুসূদন ব্রজাঙ্গনা বলিতে বিশেষভাবে রাধাকে বুঝাইয়াছেন। ভূমিকায় উক্ত ভাষার পদ স্ৰষ্টব্য। এই কাব্যের আখ্যাপত্রে মধুসূদন শ্রীকৃষ্ণচন্দ্র শর্মা-বিরচিত বিখ্যাত সংস্কৃত কাব্য ‘পদাঙ্কদ্বয়’-এর প্রথম শ্লোকটি অংশতঃ উক্ত করিয়াছেন। সম্পূর্ণ শ্লোকটি এইরূপ—

গোপীভর্ত্ত বিরহবিধুরা কাচিদিন্দীবরাকী
উন্নন্তেব অলিতকবরী নিঃস্বসন্তী বিশালম্ ।
তত্রৈবান্তে মুররিপুর্নিত্তি ভ্রাস্তিদুতীসহায়া
ভ্যক্তা গেহং ঝটিতি যমুনামঞ্জুকুঞ্জঃ জগাম ॥

ইহার অর্থ—কোনও পদ্মপাশলোচনা গোপীনাথের বিরহে অধীর হইয়া পাগলের মত অলিতকবরী অবস্থায় দীর্ঘনিঃশ্বাস ফেলিতে ফেলিতে মুররিপু [কৃষ্ণ] সেখানে আছেন, এইরূপ ভ্রান্ত বিশ্বাসের বশবর্ত্তী হইয়া স্ৰুত গৃহ পরিত্যাগ করিয়া যমুনা-তীরের মঞ্জুকুঞ্জে গমন করিলেন।

এই বিরহোন্নতা রাধিকার দশাভেদ দেখাইয়া ‘ব্রজাঙ্গনা কাব্য’র ১৮টি কবিতা রচিত। ‘বিরহবিধুরা, ভ্রাস্তিদুতীসহায়া ও উন্নতা, এই তিনটি বিশেষণ ‘ব্রজাঙ্গনার’ রাধিকার প্রতি বিশেষভাবে প্রযোজ্য।

১ : ২। কমল-কাননে—কমল-কাননে। এই কাব্যে মধুসূদন বহু স্থলেই সমাগবন্ধ অথবা যুক্ত পদগুলিকে (compound words) পৃথক রাখিয়াছেন, জুড়িয়া দেন নাই অথবা হাইফেন প্রয়োগ করেন নাই। এ যুগের পাঠকদের অর্থবোধের অসুবিধা হইবে বিবেচনায় আমরা কোন কোন স্থলে হাইফেন প্রয়োগ করিয়াছি।

শব্দর-অরি—শব্দরাসুরকে নিধনকারী কাম, মদন।

৩। কেন—মধুসূদন প্রথম কবিতায় “কেন” লিখিয়াছেন, এই কাব্যের অন্তর্গত “কেনে” প্রয়োগেরই বাহুল্য।

শব্দের ফাঁসি—সজ্জার বাধন।

ঘন—মেঘ।

৪। ছয় ঋতু বয়ে যারে—শীত, গ্রীষ্ম প্রভৃতি ছয়টি ঋতু বাহাকে বরণ করে; পৃথিবী।

ঋতুগুলিকে পৃথিবীর স্বামী বলা হয়।

৫। নিশি রূপবতী—নিশি রূপবতী [হয়]।

৬। কালে পিও—যথাকালে পান করিও।

- ২ : ১। স্নগন্ধ-বহ-বাহন—স্নগন্ধবহ বায়ু বাহার বাহন অর্থাৎ মেঘ। ইন্দ্র-চাপ—ইন্দ্রধনু,
রামধনু।
- ৩। জলদ-কিঙ্করী—মেঘের প্রায়সী চাতকিনী।
- ৪। রত্নচূড়া—রতন চূড়া।
- ৫। আখণ্ডল-ধনু—ইন্দ্রধনু।
- ৩ : ২। উঁই—সেই কারণে।
কাদম্বিনী—মেঘ।
শৈলনাথ-কাঞ্চন-ভবনে—পর্বতের স্তূর্ণ-পুরীতে অর্থাৎ পাগড়ে।
সেও রাজার নন্দিনী—রাধাও রাজা বৃকভানুর কন্যা।
- ৩। তিত্তিচে—ভিজিছে।
- ৪। সাদ—সাপ।
- ৫। গোপিলে—গোপন করিলে।
- ৬। অর্পেন সাগর-করে তিন তব পাশি যমুনা গঙ্গা গিয়া মিশিয়াছে এবং গঙ্গার জল
সাগরে যাইতেছে; কবি বলিতেছেন, গঙ্গাঘ (হরপ্রিয়া মন্দাকিনী) যেন যমুনার
হাতে সাগরকে অর্পণ করিতেছে।
- ৯। তারাময় হার ... শিরে ধরি—তারার ও চন্দ্রের প্রতিবিম্বপাতে।
- ১০। যেমনি—যেমন।
- ৪ : ২। যনে—মেঘে।
- ৩। শক্র-ধনু—ইন্দ্রধনু।
বিজলী কনক দাম—বিজলী-কনক-দাম, বিদ্যারূপ স্বর্ণময় হার।
- ৫ : ১। বৈদেহী—সীতা।
বাসুকি-রমণি—বাসুকি-রমণী, পৃথিবী।
- ২। অভাগা—“অভাগী” সঙ্গত পাঠ।
ঋতুকামিনি—ঋতুকামিনী, পৃথিবী।
- ৩। শমীর হৃদয়ে অগ্নি জলে—শমীবৃক্ষের অভ্যন্তরে অগ্নি জলে; অগ্নির বৈদিক নাম
শমীগর্ভ।
জীবন যৌবনতাপে হারাত তাপিনী—“যৌবনতাপে” ছাপার তুল, দুইটি সংস্করণেই
এইরূপ আছে। “যৌবন তাপে” হইবে। অর্থ—উত্তাপে জীবন ও যৌবন,
দুই-ই হারাইত।
দুহে—উত্তরকে।
- ৪। ঋতুকুলপতি—বসন্ত।
তাহার বিরহ দুঃখ—তাহার গহিত তোমার বিরহদুঃখ, বসন্তের অভাবে ধবণীর
বিরহদুঃখ।

- ৫ । অনন্ত,.....বরে—অনন্ত ও সমুদ্র, পৃথিবীর এই দুই পতি ।
মধুবিলাসিনী—বসন্তবিলাসিনী ।
- ৬ । কালে—যথাকালে ।
- ৬ : ২ । কোপে—কুপিত হয় ।
উভয়—উভয়ে ।
- ৩ । আকাশ-নন্দিনি—আকাশ-নন্দিনী ; শূন্য হইতে সমুখিণী প্রতিধ্বনি ।
নিরাকারা ভারত—নিরাকারা ভারতী, প্রতিধ্বনি ।
- ৫ । আকাশসম্ভবে—আকাশ-সম্ভবা, প্রতিধ্বনি ।
- ৭ । ছল—কৌতুক ।
- ৭ : ১ । বরগরোজিনী—মনোহর পদ্ম ।
- ২ । জাঁধা—অন্ধ ।
- ৪ । মুকুতা-কুণ্ডলে—শিশিরবিদু দ্বারা ।
- ৮ : ১ । যতনে—যত্ন করে ।
✓ দল ব্রজবন—এই পংক্তিতে ছন্দপতনদোষ ঘটিয়াছে । পাঁচ অক্ষর পাঁচ উচ্চৈঃ ছিল ।
- ৯ : ১ । গাহে বিভাধরী যথা—“যথা”র পরে একটি কমা-চিহ্ন বসিলে অর্থসঙ্গতি হয় ।
কমলা জিনি—কমলাকে পরাস্ত করিয়াছে যে ।
- ৩ । তুল্যা—উপযুক্ত ।
- ৫ । রাধিকা-বাসন—রাধিকা-বাঞ্ছা ।
- ৬ । দেব কুম্ভম যুবতী—মুদ্রাকরপ্রমাদ । “দেব, কুম্ভম-যুবতী” ৮৫বে ।
- ৭ । কিরে—দিব্য ।
করে—করিয়া ।
- ৮ । আর কথা—অন্য কথা ।
- ১০ : ১ । অমনি—সাহায্য ব্যতিরেকে, আর্হতি ছাড়াও ।
- ৪ । ব্যাধ বেন পাখী পাতিয়া ফাঁসি—বেন=বেমন ; ব্যাধ বেমন ফাঁদ পাতিয়া পাখী ধরে, তেমনই ।
মগনে না—ডোবে না ।
- ৫ । স্মরণ তার ?—স্মরণ তার কি প্রয়োজন ?
মধুরাজ—ব্যর্থক, বসন্ত ও শ্রীকৃষ্ণ ।
- ১১ : ৩ । ব্রজ-নিফলক-শশী—ব্রজের নিফলক শশী, শ্রীকৃষ্ণ ।
- ৪ । তিতিও না—তিজাইও না ।
- ৬ । মোদিত—গন্ধামোদিত ।
কুলয়—কুমুদী ।

- ১২ : ১। সরঃ-সুশোভিনি—নলিনী অর্থে ।
 ২। রূপে—রূপের বিচারে ।
 যথা - যেমন ।
 ৩। রঞ্জিত—রঞ্জিত ।
 তরুবলী—তরুশ্রেণী (মধুসূদনের প্রযোগ) ।
 ৪। সূতারা—তারা-সুশোভিত ।
 ৫। বারণে—হস্তীকে ।
 বারণারি—সিংহ ।
 ৬। করে—করিয়া ।
- ১৩ : ১। তরল—চঞ্চল, চপল ।
 কি ভাবে ভাবিনী—কোন্ ভাবে ভাবাঘিতা ।
 ৭। সারি—সাবাহঁয়া ।
 বোড়ি—শৃঙ্খল ।
- ১৪ : ২। গলে পড়ে—গলে পড়ে, গলিয়া পড়িয়া ।
 ৩। কুঞ্জ শোভা—কুঞ্জ-শোভা ।
 ৪। যে খন—প্রেম-খন ।
- ১৫ : ১। তুমি হে অঘর—আকাশের সহিত কুঞ্জের তুলনা করা হইয়াছে ।
 ২। হে কুঞ্জকুল রাজন —হে কুঞ্জকুল-রাজন ।
 মোহিত—মুগ্ধ করিত ।
 রড়ে—ঋত গতিতে ।
 ৩। তুলি ঘোমটা—বিকশিত চইয়া ।
 ৪। রবি-দেবে—সূর্য্যদেবেকে ।
 ৫। কাম-বঁধু যথা মধু—বসন্ত যেমন মদনের বন্ধু ।
 পদ্মালয়া—লক্ষ্মী ।
- ১৬ : ৪। বৃন্দাবন-সর-কুম্ভ-বাসন—বৃন্দাবনরূপ সরোবরের কুম্ভ, তাহার বাসন বা বাজিৎ
- ১৭ : ৩। পাই—পাইয়া ।
 কুবলয়—নলিনী, পদ্ম ।
 ৭। সুখে—সুধায়, প্রসন্ন করে ।
- ১৮ : ১। রমিত—আনন্দিত ।
 ৩। ফলকালে—পুষ্পান্তবকে ।